

# Fólkvangurinn á Hleinum í Hafnarfirði

## Samningur um umsjón og rekstur

1. gr.

*Samningsaðilar.*

Umhverfisstofnun, kt. 701002-2880 og Hafnarfjarðarkaupstaður, kt. 590169-7579 gera með sér samning um umsjón og rekstur fólkvangsins á Hleinum í Hafnarfirði í samræmi við 30.gr. laga um náttúruvernd nr. 44/1999. Friðlýsingin tekur til fjöru og vinsæls útivistarsvæðis í fögru hraunumhverfi sem vaxið er náttúrulegum gróðri. Friðlýsingin tekur einnig til verndun búsetulandslags en á svæðinu eru tóftir, fiskreitir, grjóthleðslur, gerði, garðar og vagnslóðar.

2. gr.


*Markmið samningsins*

Markmið samningsins er að umsjón og rekstur fólkvangsins á Hleinum sé í samræmi við lög um náttúruvernd nr. 44/1999, reglur hins friðlysta svæðis í samræmi við auglýsingum um friðlýsinguna í Stjórnartíðindum (nr. 399/2009) og reglugerð um innflutning, ræktun og dreifingu útlendra plöntutegunda nr. 583/2000.

3. gr.

*Mörk fólkvangsins.*

Mörk fólkvangsins Hleina eru sýnd á meðfylgjandi upprætti og afmarkast af ISN-93 hnitud sem fram koma á upprættinum.



#### 4. gr.

##### *Verndaráætlun.*

Umhverfisstofnun í samstarfi við Hafnarfjarðarkaupstað skal vinna að gerð verndaráætlunar fyrir fólkvanginn á Hleinum í samræmi við d lið 6. gr. laga um náttúruvernd, nr. 44/1999. Samið skal sérstaklega um skiptingu kostnaðar vegna gerðar verndaráætlunar.

#### 5. gr.

##### *Umsjón og andvarsla.*

Hafnarfjarðarkaupstaður sér um daglegt eftirlit, umsjón og rekstur með fólkvanginum. Málefnum sem upp kunna að koma og kalla á sérstakar ráðstafanir eða stjórnvaldsákvarðanir ber að vísa til Umhverfisstofnunar.

Ef ráðinn verður landvörður fyrir svæðið skal hann uppfylla ákvæði 29.gr. laga um náttúruvernd, sbr. 1. gr. reglugerðar um landverði, nr. 61/1990.

#### 6. gr.

##### *Fraeðsla.*

Hafnarfjarðarkaupstaður hefur umsjón með gerð fræðsluefnis. Tilkynna skal Umhverfisstofnun um gerð og uppsetningu fræðsluefnis og eftir atvikum leita leyfis stofnunarinnar ef um framkvæmdir er að ræða.

7. gr.

*Mannvirkjagerð og aðrar framkvæmdir*

Öll mannvirkjagerð, jarðrask og önnur breyting á landi skal vera í samræmi við samþykktar skipulagsáætlanir, auglýsingum um friðlýsingum fólkvangs á Hleinum í Stjórnartíðindum og verndaráætlun. Varðandi allar framkvæmdir innan náttúruvættisins ber að fylgja ákvæðum 38. gr. laga um náttúruvernd, nr. 44/1999.

8. gr.

*Gjaldtaka og þjónustugjöld.*

Hafnarfjarðarkaupstað er heimilt að taka þóknun fyrir þjónustu sem veitt er innan fólkvangsins svo sem leiðsögn um svæðið í samræmi við 32. gr. laga um náttúruvernd nr. 44/1999.

9. gr.

*Kostnaður vegna umsjónar.*

Hafnarfjarðarkaupstaður kostar laun og annan kostnað vegna daglegs eftirlits, umsjónar og rekstrar á hinu friðlýsta svæði. Ef kemur til sameiginlegra verkefna samningsaðila í fólkvanginum vegna sérstakra aðstæðna skal samið hverju sinni, um framkvæmd verksins og skiptingu kostnaðar.

10. gr.

*Skyrslugerð.*

Hafnarfjarðarkaupstaður skal gefa Umhverfisstofnun skýrslu ár hvert um ástand, framkvæmdir og aðra starfsemi í náttúruvættinu. Skila skal skýrslu til Umhverfisstofnunar í lok hvers starfsárs. Í skýrslunni skal tilgreina um veittar undanþágur sbr. 8.gr. auglýsingar um fólkvanginn á Hleinum, ástand lands og lífríkis, fræðslu, gestafolda, umgengni, framkvæmdir og kostnað af þeim og annað sem kann að skipta máli varðandi friðlandið.

11. gr.

*Eftirlit Umhverfisstofnunar.*

Umhverfisstofnun hefur eftirlit með því að umsjónar- og rekstraraðili uppfylli samningsskuldbindingar í samræmi við samning þennan, þær reglur sem gilda um náttúruverndarsvæðið sbr. auglýsingum um friðlýsinguna í Stjórnartíðindum, reglugerð um innflutning, ræktun og dreifingu útlendra plöntutegunda nr. 583/2000, 30. gr. laga um náttúruvernd nr. 44/1999 og verndaráætlun.

12. gr.

*Gildistími.*

Gildistími samnings þessa fyrir fólkvanginn á Hleinum er 10 ár frá undirritun og staðfestingu umhverfis- og auðlindaráðherra.

13. gr.

*Ákvæði um endurskoðun.*

Hvor samningsaðili um sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að fimm árum liðnum. Gagnkvæmur uppsagnarfrestur samnings þessa er 6 mánuðir.

14. gr.

*Meðferð ágreiningsmála.*

Umhverfis- og auðlindaráðherra úrskurðar um ágreiningsmál varðandi samning þennan.

15. gr.  
*Gildistaka.*

Samningur þessi er í þremur samhljóða eintökum og heldur hvor samningsaðili einu eintaki og umhverfis- og auðlindaráðherra einu.

Samningurinn tekur gildi við staðfestingu umhverfis- og auðlindaráðherra.

*Gjört .....staður.....dags*

F.h. Umhverfisstofnunar

F.h. Hafnarfjarðarkaupstaðar

Kristín Linda Árnadóttir  
forstjóri

Haraldur L. Haraldsson  
bæjarstjóri

Staðfesting umhverfis- og auðlindaráðherra

Sigrún Magnúsdóttir

Vottar:

---

---